

*Suid-Afrikaanse
Woonwa-Assosiasie*
SAWA



*South African
Caravan Association*

Wawiel

Jaargang 33 Vol. 2



Wapadrand

INHOUD

INHOUD	BL 2
STILTETYD.....	BL 3
BESTUURSLEDE	BL 4
REDAKSIONEEL	BL 5
UIT DIE VOORSITTER SE PEN	BL 6
GOGGAS IN HOUT, RESEPTE.....	BL 7
JEUG	BL 8
JEUGPRESTASIES	BL 9
SENIORS	BL 10
DINOKENG RESORT	BL 11
DRIE BERGE	BL 12
KONGRES 2022	BL 13
KONGRES BL2	BL 14
LIEF EN LEED	BL 15
VERJAARSDAE EN	BL 15
HUWELIKSHERDENKINGS	BL 15
KAMPPROGRAM 2023	BL 16

STILTETYD

Die gevare van 'n los tong

Egte en suiwer godsdiens voor God die Vader is om weeskinders en weduwees in hulle moeilike omstandighede by te staan en jou skoon te hou van die besmetting van die wêreld. Jakobus 1:27

Dis nie sonder rede nie dat Jakobus in sy brief na die gevare van 'n los tong verwys, Jak 3, en ons vermaan om dit in toom te hou.

Jakobus 1:26

Hierdie selfingenome en onkritiese vroomheid wat ander afmaak, verteenwoordig 'n vorm van selfbedrog.

Ware Godsdiens is om gedurig op jou eie lewenswandel te let, om met deernis teenoor alle mense te leef voor hulle maar belangrik, ook agter hulle rûe. 'n Storie het maar die geneigdheid om met 'n draai by die betrokke persoon uit te kom wat groot skade kan maak.

Here, bewaar ons van hoogmoed en help ons vandag weer om ons tong in toom te hou,

Amen

Bron: Bybelmedia

Leer om ander mense se standpunt
in te sien, al verskil dit van jou eie.
Moenie dinge oorvertel wat ander jou
vertroulik meegedeel het nie.



Foto geleen

Die 2022/2023 BESTUUR

VOORSITTER

Martin.a.rix@gmail.com

MARTIN RIX

Sel: 082 903 8342



ONDERVOORSITTER

David.bronn@vodamail.co.za

DAVID BRÖNN

Sel: 082 878 9133



SEKRETARESSE

janettat@vodamail.co.za

JANETTA TOERIEN

Sel: 082 325 5634



NUUSBRIEFREDAKTEUR

pienaars@netactive.co.za

DALEEN PIENAAR

Sel : 082 848 7478



PENNINGMEESTER

lynnettevanrensburg@gmail.com Sel: 082 068 6517

LYNETTE V RENSBURG



ADDISIONELE LID

bezuic@gmail.com

CHRISTO BEZUIDENHOUDT

Sel: 082 551 3475



ADDISIONELE LID

pienaars@netactive.co.za

DALEEN PIENAAR

Sel: 082 848 7478



REDAKSIONEEL

Hierdie uitgawe is vir Oktober, November en Desember

Oktober het ons in Dinokeng gekamp. Dinokeng is 'n baie gewilde oord en toe het ons weer werklik beleef hoe baie kampeerders daar is buite SAWA, wat aan my sê dat ons tog bietjie van so 'n geleentheid gebruik moet maak om uit te reik na ander.

November se jaarlikse afsluiting was by Drie Berge wat 'n lieflike oord tussen baie bome en langs 'n riviertjie is. Ek sien die krokodilwaarskuwings en wonder of dit vir die kinders is en of daar werklik nog krokodille is.

Geseënde Kersfees en 'n voorspoedige 2023 word almal toegewens. Vele veilige myle.


Baie dankie vir almal se insette en ek soek resepte asb.
Onthou asb julle artikels en gaste!!!

Redaksie.



Uit die Voorsitter se pen :

Beste Wapadranders



Die somer is hier en almal kyk in hierdie tyd terug na 'n jaar wat verby is, maar seker meer belangrik, na 'n nuwe jaar wat voorlê.

Vir baie van ons lede was dit weer 'n moeilike jaar wat verby is en ons innige simpatie aan julle wat geliefdes verloor het. Ons harte gaan ook uit na dié wat baie siek was en nogsteeds is. Mag die Here vir julle leiding gee en vertroosting waar dit nodig is.

Baie geluk aan ons kinders wat weer so goed die afgelope jaar presteer het. Nie net het julle goed akademies presteer nie, maar ook op die sportveld goed presteer. Vir dié wat in die volgende jaar in leierskapposities gaan wees, voorlopig baie sterkte daarmee. Gaan rus nou en maak julle reg vir die volgende jaar se aktiwiteite.

Ons was bevoorreg om gedurende die laaste kwartaal van 2022 twee kampe te kon aanbied. Die Oktoberkamp by Dinokeng Oord was ongelukkig nie goed bygewoon nie, maar die mense wat gekamp het, het dit nietemin geniet. Ons laaste kamp van die jaar by Drie Berge was beter bygewoon en almal het dit baie geniet. Ons was bederf met heerlike pannekoekes omtrent die hele dag en die aand was heerlike potjies aan ons voorgesit. Almal het gesmul aan die ete en daarna het ons roomys gehad om die dag mee af te sluit. Gelukkig het Kersvader ook vir klein en groot besoek en elkeen het iets gekry wat almal se harte laat warm word het. Baie dankie aan 'n ieder en elk wat die naweek so 'n genotvolle naweek gemaak het.

Ons gaan almal 'n tyd van rus in en mag julle elkeen dit geniet, of julle nou weggaan, of net by die huis bly. Mag julle die Kersfees tyd geniet en mag julle batterye weer gelaaai word vir die nuwe jaar.

'n Heerlike kampjaar lê vir ons voor en mag ek asseblief vir almal vra om 'n aktiewe poging aan te wend om die kampe by te woon. Die Bestuur doen baie moeite om die kampe te laat realiser en die kampe is per slot van sake vir ons almal gereël, so kom kamp saam asseblief!

Aan ons Hemelse Vader, dankie vir nog 'n jaar wat verby is en die voorreg om te kon kamp en die natuur te geniet. Dankie vir elkeen wat die afgelope jaar gekamp het en dit onvergetlik gemaak het. Dankie vir elkeen se ondersteuning. Sonder julle sou my en die Bestuur se taak baie moeiliker gewees het. Dankie aan Tersia wat my ook die heeltyd ondersteun.

Groete



SOMMER SO IETS IN DIE ALGEMEEN

Tydense 'n onlangse kamp by Almega word ons ingelig dat die inbring van hout van buite nie toelaatbaar is nie. My eerste gedagte was dat die oord die bemarking van hulle eie hout wou bevorder. Ek word toe verder ingelig dat die rede is die beskerming van die bome en plantegroei in die omgewing. Net toe ek my mond wou oopmaak kom die verduideliking – hout het dikwels goggas in wat nie in die omgewing voorkom nie en kan dan 'n moontlike probleem word.

Dit gebeur toe ook dat dieselfde aand wat ek my "ingebringde" hout op die vuur sit daar toe nou 'n gogga vlug van die vlamme. Die gogga het dit nie gehaal tot by veiligheid nie en ek was (per ongeluk) nie deel van 'n moontlike toekomstige natuurrramp nie.

RESEpte

Pannekoek

Die enigste pannekoekresep wat jy nodig het. Flop nooit en is nooit rubber nie, selfs as dit koud is.

Bestanddele:

4 k meel

4 eiers

5-6 k water

$\frac{1}{2}$ t sout

4 t bakpoeier

$\frac{1}{2}$ k olie

Metode:

Meng alles baie goed saam en bak, die geheim is om die bakpoeier laaste by te gooien en deur te meng.



JEUG

Ons jeug is maar min maar ons is baie trots op hulle. Feitlik elkeen van ons jeug het hierdie afgelope jaar presteer. Baie geluk aan elke kind. Daar was leiers, en wenners op vele gebiede. Geluk aan Nicola en Chrisjan wat 2023 leiers van hulle onderskeie skole is.

Klein Hannah de Villiers is vir die eerste keer skooltoe en in Gr1.

Dawid is in Gr RR en is die man wat 'n groot voorliefde vir goggas het en draai elke klip om. Dawid braai selfs al sy eie vleis. Hy sal verseker nie in die buiteland aard nie.



Hannah de Villiers wen 'n goue medalje in swem. Baie geluk Hannah!



Dawid, ons regte klein boerseun wat 'n groot voorliefde vir braai het.



Jongklomp kuier terwyl die ouers Kongres dinee hou.



JEUG PRESTASIES 2022

Baie geluk aan al ons kinders met mooi prestasies 2022. Lewers doen die SAWA-ouers iets reg. Elke kind het presteer. Seker die baie vars lug.

Die Bezuidenhouts

Baie geluk! Ruan Bezuidenhout slaag matriek en begin nou 'n 2 jaar Sound Engineering Kursus by Oakfields College.
Christiaan slaag sy 2de Jaar Megatroniese Ingeneurswese en doen nou finale jaar by TUT.

Elané Brönn ons slimkop, slaag haar Gr6 met 'n pragtige gemiddeld van 87%.

Pienaars

Chrisjan Pienaar het silwersertifikate vir 3 Jaar 2de span Hokkie, Goud vir Rugby en Atletiek asook erekleure vir VLR en Skyfskiet. Chrisjan is ook VLR 2023 en is leier van Geestesgesondheids Portefeuilje asook klasleier.

Mieke Pienaar slaag haar Honneurs jaar en wen ook die eerste prys by die jaarlikse toekenningsaand. Mieke word gekeur om Meesters in 2023 te doen en is ingeskryf en slaggereed!

Die Rabie gesin was ook baie besig:

Nicola het pragtig op die Netbalbaan presteer toe sy aan die SA Kampioenskappe deelgeneem het, kapteine was en 4de plek op SA's behaal het. Nicola is op die VLR (Leiers vir 2023), Erekleure vir Akademie en Netbal en 6 Onderskeidings asook Afr Olimpiade.

JJ kry Kleure vir Wiskunde, SW, NW en Tegnologie, Erekleure vir Jnr Revue en Rugby as ligawenners.

Van Rensburgs

Micke van Rensburg en Shaun Cameron het verloof geraak.

Baie geluk julle!

Geluk Anandi wat 2023 haar laaste jaar BPharm graad (aptekerswese) by Potch doen.
Aanhouer wen!



SENIORS

Ek lees onlangs 'n artikel wat gaan oor wat 'n senior nou eintlik is. Die skrywer het tot die slotsom gekom dat dit net is hoe jy voel na sestig en nie te konsentreer op die ouderdom van 60 nie. Die facebookgroep "Senior Kampeerders" se ouderdom is weer 55.

By Wapadrand het die 60-syfer ook geen invloed nie aangesien 'n hele klompie van die mense steeds nog ekonomies aktief is.

Terwyl dit goed gaan met die meeste van die seniors is daar tog van ons lede wat tans baie swaar kry en ons gebede is met julle vir beterskap. Die lede het gevra dat hulle name nie nou al geplaas word nie.

Ons wens al ons seniors net die beste toe en glo dat die Here sy hand oor almal sal hou.

Groete Andy



DINOKENG RESORT KAMP SEPTEMBER

Vir die eerste keer in 'n baaaie lang tyd was die jongmense meer as die oues van dae. Vernon en René het Vernon se suster, ook René, haar man Nico, en seuns Ethan en Owen van Straten saamgenooi. Ons het baie lekker gekamp. Dit was sommer baie informeel omdat ons net vyf waens was. Ethan en Owen het so mooi met Logan en Liam gespeel; baie oulike babysitters!

Die reëntjie het ámper amok gemaak met Saterdagaand se braai. Boekevat het toe sommer vinnig onder René-hulle se gazebo ingeskuiif. Dit het net lank genoeg opgehou met reën sodat ons kon klaar braai en eet. Daar was toe nog tyd vir koffie ook.

Sondagoggend was die lug heeltemal oopgetrek en die tente kon droog word voor ons oppak. Na boekevat het die voorsitterstee gevolg. Daleen het haar taak as waarnemende voorsitter baie knap afgehandel.



Vernon se suster en swaer Nico, René,
Ethan en Owen kuier saam as gaste.

Almal braai saam.

Dinokeng se geriewe.



Drie Berge

Ons het twee staanplekke gehad wat nogal 'n entjie van die ander staanplekke af was. Danksy Martin, Chris en Daleen se vernuftige gebruik van beskikbare spasie het hulle vir Dawie-hulle en my en Andy by hulle ingeskuif. Ons het heel knus gestaan.

Ons gewone Saterdagaandbraai het toe geskuif na Vrydagaand. Almal het soos gewoonlik bygedra tot die tafel. Dit bly steeds lekker om om die vuur te kuier. Lynette het die boekvat waargeneem.

Saterdagoggend het ons pannekoek gebak. Iemand maak toe die opmerking: "Wie eet pannekoek in die helder son!" Net om die pannekoek te regverdig, begin dit toe reën! Lynette het maalvleis gebring en daar was kaas en natuurlik kaneelsuiker.

Saterdagmiddag het die potjiespanne besig geraak op 'n vuur of 'n gasstofie. Later het almal om die vuur gekuier. Reinardt en Lynette het sommer hulle gaste, Reinardt se suster Karin en haar man Mike ingespan om hulle potjie te maak.

Die kersboom is intussen opgeslaan, geskenke en al. Die opgewondenheid van die kleinspan het geen perke gehad nie. David het 'n pragtige kersbodskap gelewer. Daarna kon die geskenke uitgedeel word. Elané, Hannah en Dawid was die elwe. Tóé eers kon die kleingoed elk met haar/sy eie mandjie gaan sit om te sien wat hulle gekry het.

Toe die potjies gereed was (hoender, bees en skaap), het almal heerlik gesmul. Daar was ook nagereg, malvapoeding met vla en roomys.

Sondagoggend het Martin die boekvat geleei en na die voorsitterstee het ons lui-lui begin oppak behalwe die paar bevorregtes wat eers Maandag huis toe is.



Regs: Gerrie met 'n lekker hoenderpotjie.



Links: Martin maak 'n skaapskenkelpotjie.



Van die kinders versier die kersboom



Geskenketyd langs die waterstroombie

KONGRES 2022

Die Kongres was hierdie jaar aangebied by Marula Oase, 'n eerste. Dit was ook die eerste Kongres in drie jaar, danksy Covid-19.... Ons het natuurlik al báie daar gekamp, maar hierdie keer in die bloedigste son; en dit wás warm!!

Die ete Vrydagaand was heerlik, 'n reuse stuk hoenderpastei en slaai. Soos gewoonlik het Tersia weer gesorg vir 'n soetigheidjie. Dankie Tersia!

Die Kongres was in dieselfde saal as die ete die vorige aand. Die Nasionale Bestuur is voorgestel asook die Gebiedsvoorsitter van Jakaranda, ons eie Chris Pienaar. Na die verrigtinge kon almal kon bietjie gaan rus voor die groot gereedmaak vir die dinne.

Die saal het pragtig gelyk. Johanna van Biljon het weer uitgehang met die saal se versiering en die blomme. Mens kon nie glo dat die saal wat so vol was Vrydagaand en Saterdagoggend, skielik so baie plek gehad het nie.

Daar was 'n kruis vol kerse en verskeie persone het 'n kans gekry om kerse aan te steek vir mense wat ons in die laaste drie jaar ontval het. Martin het kerse aangestEEK vir Deon en Suzette Bester en ook vir Herman Groenewald.

Die aand het redelik prettig afgeloop later met die lawwe foto's wat almal laat neem het.

Die naweek is afgesluit met 'n erediens en 'n paar woorde deur die nuwe Nasionale Voorsitter, Niël Goslett.



Die Kersaansteekseremonie vir almal wat gesterf het die afgelope 2 jaar veral met Covid was baie emosioneel maar besonders.



KONGRES BL2



Die agt lede van die Nasionale Bestuur vir 2022/23 is:

- Nasionale Voorsitter: Niël Goslett – Streek Suidwes-Kaap
- Nasionale Sekretaris: Willie Bronkhorst – Streek Kiepersol
- Nasionale Penningmeester: Chris Joubert – Streek Kiepersol
- Gebiedsvoorsitter – Gebied Goeie Hoop: Johan Oosthuizen
- Gebiedsvoorsitter – Gebied Jakaranda: Chris Pienaar
- Gebiedsvoorsitter – Gebied Kaap Middellande: Gideon le Grange
- Gebiedsvoorsitter – Gebied Oosrandia: Jannie Meyer
- Gebiedsvoorsitter – Gebied Vaaldriehoek: Koos Boshoff

Chris Pienaar open die dinee met skriflesing en gebed



Kom ons Trek Saam in een rigting. Voorsitter Niël Goslett, doen beroep "Ek nooi elkeen uit - Kom Trek Saam – in een rigting. Kom ons bou SAWA weer tot 'n groeiende organisasie"

Andy, Martin en Tersia



Kongrespreet. Van Grafsteensangers tot 007

LIEF EN LEED

Lief: Dit gaan beter met Tersia na n prosedure
Baie geluk aan al ons kinders vir 'n ongelooflike goeie jaar waarin letterlik almal presteer het. Ons is trots op julle.

Leed: Kobus de Kock is oorlede. Sterkte aan Erika en familie. Mag julle vertroosting vind in die moeilike tyd.

Reinardt se woonwa se as het gebreek

VERJAARSDAE

Bettie Mullins	6 Oktober
Erkia de Kock	24 Oktober
Etienne Rabie	26 Oktober
Grabe de Villiers	29 Oktober
Lizel Visser	29 Oktober
Elané Brönn	29 Oktober
Joey Velloen	3 November
Danie du Plessis	5 November
Jenny Pienaar	8 November
Henk Pienaar	30 November
Jos Rabie	3 Desember
Rina van Aswegen	4 Desember
Sarie Bezuidenhout	13 Desember
Lucille Groenewald	16 Desember
Susan Troskie	16 Desember
Christiaan Combrink	18 Desember
Eleanor du Plessis	22 Desember
Stephanie Brönn	28 Desember

HUWELIKSHERDENKINGS

Betsy en Wynand Theron	4 Oktober	25 Jaar
Sarie en Christo Bezuidenhout	19 Oktober	26 Jaar
Amanda en Kobus Burger	15 Desember	43 Jaar
Tersia en Martin Rix	19 Desember	41 Jaar
Daleen en Chris Pienaar	20 Desember	25 Jaar



SAWA Wapadrand Jaarprogram 2023

2023 Kampnaweke		2023 Kamp-plekke	Plek-ke	Bestuurslid/Kampkoördineerde	Rigting	Kamptariewe	Kommen-taar
Januarie	6-8	13-15	20-22	27-29	Kokoriba	Janetta Toerien	Noord-Wes
Februarie	3-5	10-12	17-19	24-26	Hart-beeshoek	Martin Rix	Noord
Maart	3-5	10-12	17-21	24-26	31-2 Reilynn	Lynette v Rensburg	Oos
April	6-10	14-16	21-23	26-1	Presidente	Dagbestuur	Suid
Mei	5-7	12-14	19-21	26-28	Jalala	Janetta Toerien	
Junie	2-4	9-11	15-18	23-25	30-2 Weesgerus	Gebied	Noord
Julie	7-9	14-16	21-23	28-30	Manyane	Bosveld	Noord-Wes
Augustus	4-6	11-13	18-20	25-27	Klein Para-dys Brits	Bestuur	Noord-Wes
September	1-3	8-10	15-17	22-25	29-1 Willem's Russ	Daleen Pienaar	Noord-Oos
Oktober	6-8	13-15	20-22	27-29	Dube		Noord-Wes
November	3-5	10-12	17-19	24-26	Sondela	Bestuur	Noord
Desember	1-3	8-10	15-17	22-26	29-31		